

1247, agost, 12

*Guillem de Palafolls i el seu fill Pere defineixen Ermessendis de Puig Baren de Tordera, que passa a ser dona pròpia del monestir de Valldemaria.*

ASD núm. 143, perg. orig., 127 x 165 mm.

Sit notum cunctis quod ego Guilielmus de Palafolls et filius meus Petrus, per nos et per omnes nostros presentes atque futuros diffinimus tibi Ermessende de Podio Barren de parrochia Sancti Stephani de Turderia et omnem progeniem a te egressam et egressuram et omnes res tuas mobiles et immobiles quas modo habes et de cetero Deo uolente habueris, uidelicet domino Deo et domine Marie de Dalle Marie et tocius conuentus eiusdem loci in manu et potestate Raimunde, priorisse iamdicte domui de Uallemarie, quam Ermesendem et omnem progeniem suam iam diffiniuimus iamdicte domui in manu et potestate Dulcie de Palaciolo, priorisse condam de Uallemarie. Ita diffinimus te predictam Ermesendem et omnem progeniem tuam egressam et egressuram et omnes res tuas habitas et habendas ubique domino Deo et iamdicte domui de Uallemarie et conuentui eiusdem quod de cetero in te neque in progenie tua iamdicta siue in rebus tuis de cetero aliquid non exigamus neque exigere ualeamus aliquo modo, et est certum quod propter hanc diffinitionem recepimus nos a manibus predicte Dulcie de Palaciolo de bonis predicte domui de Uallemarie triginta solidos barchinonenses, ualente marcha argenti .LXXXVIII. solidos.

Actum est hoc .II. idus augusti anno Domini .MCCXL. septimo.

Sig+num Guilielmi de Palafolls, sig+num Petri, filii eius, qui supradicta laudamus et firmamus firmarie rogamus. Sig+num Poncii de Caciano. Sig+num Guilielmi de Turrucella. Sig+num Bernardi de Turrucella.

(s. man.) Raimundus Bonucii qui hoc scripsi.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 293-294